

24738 久而未成。英國之修戰備。已似有岌岌不可終日之勢。未來之英德戰爭。能否待至三年以後。殊未可知矣。

記者草此文竟。猶有一語告我國人曰。我國人勿謂新加坡形勢之變遷。歐洲大局之變遷。於我無關也。事有發端甚微而影響極大者。我國在此世界中。世界之潮流。無時不可捲我而去。若等於隔岸觀火。而漠不加意。不爲之防。亡無日矣。

蒙古之現狀 錄申報譯論

此爲日本參謀本部旭主計官察視蒙古情況。歸國而後。在其立憲同志會演講者。先就內外蒙古之地勢人種風俗軍事宗教及其他略論之。并詳論外蒙古之各種狀態。其要旨如左。

▲東蒙古之地 蒙古之內。與日本關係不淺者。即東部蒙古。指自庫倫起。迄於松花江。劃一直線。在東方一帶之地即是。最近所謂東部蒙古。其範圍更狹。指東經百六十度以東之地。即其地積約二萬方里。概屬平坦。缺地理的變化。惟有興安嶺之一脈。自西南直走西北而已。

▲東蒙之產業 蒙古之地。地質本極肥沃。各種耕作。極有望之場所也。就中東部蒙古尤爲有望。但蒙古人概以牧畜爲業。以是東蒙在經濟上之勢力。人口雖有四百萬。而穀物僅有千四百萬石。馬百三十萬頭。牛百五十萬頭。羊四百三十萬頭。其中內蒙人。僅四十萬人而已。餘皆漢人之移住者。

▲東蒙之行政組織 東蒙之行政組織。純屬軍政。而對於蒙古

各王之地。以有移住漢人。其組織遂極複雜。此外於中央監督機關地方派遣機關外。更設蒙古王之自治機關。

▲蒙古之財政 所謂蒙古之財政。不過一蒙古王之財政而已。以故其收入支出。皆極少數。雖爲外蒙第一王族達賴哈羅王。其歲入亦不出五十萬圓。其小者年收僅不過一萬圓而已。皆爲該王公財產上之收益。其中亦有徵自租稅者。且自北京政府給二千兩乃至四千兩之俸祿。王號爲世襲而傳之子孫。各王族之內。東部王族。比之西部較爲富裕。

▲外蒙之軍事組織 外蒙軍事。大略爲屯兵式。當時布軍政。探舉國皆兵主義。以佐領爲單位。置十長於其間。一長自騎兵十步兵二十而成。一佐領兵數有百八十七人。以佐領之集合謂之旗。一旗之內。多者五十佐領。少不過五佐領而已。東蒙古全體之佐領數。九百七十八。其丁壯共十八萬一千餘。男子達於十八歲。必負服兵役之義務。一戶必出壯丁一人之責務。貧弱之蒙古王。平時既不能養如斯多數之兵。則常時使於各地分置屯田。另備二三百騎之衛兵。武器極不一律。有連發槍。有單發槍。王購入兵器。要得北京政府之許可。蒙古兵於服從心勇氣忍耐各點。殆與日人等。其本質實勝於華兵數倍。惟文野之程度異。以現狀觀之。兩者殆不能同日語也。

▲配置於蒙古之俄兵 現俄國配置於蒙古全體之兵數。則庫倫有三十大隊。恰克圖與烏里雅蘇台。各有二大隊。科布多有一大隊(各步騎砲工)外。塔爾巴哈台有騎兵四百。烏魯木齊有騎

兵四百。伊犁有騎兵六百。喀什噶爾有騎兵二千五百。以爲各商業及其他之保護。

▲交通機關 往昔蒙古之交通機關。有各王入貢北京之公道。(長公路)與連絡地方派遣吏員之驛路。前者依各地方而異。至各王族入貢道路。則各有一定。此等道路。皆以北京爲中心而築造之者。且此外各地。有所謂參詣道路。近時因鐵路之開通。此等道路之交通。有一大變革。或由東清鐵路或由南滿鐵路而達北京。今公道驛路。大部分已歸廢滅。交通之關係。爲之一變矣。

▲鐵路計畫之現狀 在蒙古方面各種計畫之中。如錦愛線如愛琿線皆是。而新法線近時亦有日興之說。更據一部之所述。則此外又有自鄭家屯迄於洮南府之鄭洮輕便鐵路。及俄國多年所希望之庫張鐵路。與以謨伊索堡市爲起點之庫哈鐵路。亦有既著手一部之說。滿洲里至庫倫間。有依俄人之手而運轉自動車之計畫。凡此種種。一日完成。必至極黑暗之蒙古交通。另開新面目。

▲產業狀態 從前蒙古之地。不許闢爲農場。清之中葉。漢人之移住者一時稱盛。大抵皆從事於開墾。其究也。蒙古人之畜牧。漸爲壓迫。蒙人因是而有次第退守之勢焉。近時東蒙一部。乃至見有二百三十餘萬町(十畝爲段十段爲町)之開墾地。共計

24739 蒙古二萬方里之內。大概言之。應見有一千萬町之加工地。至耕作之種類。殆與滿洲同。以大豆爲主。高粱黍等次之。滿洲

之大豆。一段爲八斗。較現在蒙古。則僅有六斗之收穫。前途約可確增三千萬石。

▲牧畜之種類 牧畜雖爲蒙古人之本業。而在東蒙。因漸次四方之壓迫。而日就衰頹。家畜之重者。爲馬牛羊。至駱駝亦稍有飼育之者。凡一戶。牛約十二三頭。馬亦如之。羊四五十頭。蒙古人之常食者爲牛乳。大部分所飼育者。亦多乳牛也。駱駝爲搬運貨物之用。富豪或王族始飼育之。

▲礦產 蒙古之礦產。全不明晰。惟知有太寶物埋於地中而已。東蒙全部之內。科爾沁地方。曾有專門家一次踏查其地。其餘全未調查。但就其顯於地上者言之。則散見於其各地之池沼。有天然曹達。遠望之如雪。現一歲採取百萬貫。(每貫約一千兩)又其天然鹽之結晶。暴露於各地之池沼者甚顯。且科爾沁地方所到之處。皆見有煤礦之質。學者類能言之也。金銀礦亦有若干。因交通及其他各種之關係。悉放任之。豈不可惜。

▲工業 至工業。則可謂全無之者。但在移住蒙古之漢人。非無少許之手工。此蓋與滿洲地方無異。舉其產出之工業原料。則約得野獸皮十萬枚。牛馬皮三萬枚。羊皮二十萬枚。

▲商業 在蒙古無所謂街市。因而所謂商業者。全在行商人之手取物之交換之道而已。在一部開拓地方。非無街市商賈。多自北京天津長春地方而去之行商人。占有其全部之商權。至近時始有俄人南下。自是而後。西北部乃全然移於俄人之勢力圍內。俄國對於蒙古之經濟勢力。其發展有可驚者。國人之於蒙

24740 古貿易。極爲有望。此正可一熟慮之也。

日人調查南滿富源之披露

日人有志於吾滿洲非一日矣。聞有所謂對華同志聯合會。前曾以解決滿蒙問題。推中井錦城氏爲南滿洲及東蒙古之經濟事情之調查起稿主任。已經脫稿。約以六千紙分配該全國有志者。此亦吾國東顧之憂也。其調查如下。

(一)南滿洲之產米。實屬意外之事。其種稻於六年前。始由關東都督府試驗之。朝鮮人試種之。乃至本年。其收穫已達十五萬石之多。據關東都督府所調查。南滿之稻田。可耕地有二百萬町步。(約我國五十萬餘頃)計其收穫。可達三千萬至三千五百萬石之多。又據三井物產公司奉天支店所調查。僅奉天以南。稻田可耕地。即有百萬町步。其收穫在一千萬石以上云云。在新民屯地方。朝鮮之稻作成蹟。一反步(約中國一畝七八分)可穫稻五石至五石八斗餘。又據奉天農事試驗場之成績。玄米可穫二石五斗至三石云。現在以日本國民之人口。與米穀之產出額相較。其不足之數甚多。故米價騰貴而勞銀昂進。工業遂陷於不振之窘境。今南滿既能產米。不惟可使日本及朝鮮人。移住於該地。且能藉此以補國內米穀之不足。而不至仰給於外國也。

(二)南滿洲爲富於石炭之區。其產地如旅順本溪湖烟台懿路等是也。日本九州之炭。今後再經三十餘年。既採罄殆盡。若

石炭無所自出。則工業即當全滅。然滿洲之石炭。既無盡藏。由工業經濟上言之。亦不能不仰給於滿洲。且南滿洲又產石油。其產地爲海龍城之松柏岡。即盛京誌所謂膠湖者是也。前俄國藏相烏伊特氏之滿洲調查書中。亦以此地爲油池。今世界之軍艦。漸次裝置利塞爾引擎。廢石炭而用重油。日本產油甚少。圖國防之堅固。自不得不需滿蒙之石油坑。

(二)南滿洲產金區域也。其產地爲琿春間島來皮溝通化懷仁等。即東蒙之圍場諸地。亦爲產金之所。當清朝建國之初。於滿洲布告四禁。即開鑿礦山代採森林漁業及移民等是。然則滿洲之礦山。尙未開採。已不俟論。今日本全國之產金額。雖僅爲一千二百萬元。若得經營南滿東蒙之金礦時。則鞏固正貨準備之基礎。而辦償正貨之流出。不慮無所憑藉也。况南滿洲鐵礦極多。如本溪湖附近一帶。及盛京省內之某某等二十一處。吉林省內之某某等五處。皆爲產鐵之各地。今日本需用之鐵類每年雖在百萬噸以上。而若松製鐵場所製造者。不過二十萬噸而已。而其原料尙多係仰給於中國印度等。若能在滿洲以滿洲之石炭。冶鑄滿洲之鐵塊時。則軍器等之製造。既能獨立。器械類之輸入。自可全免。因之我輸入超過之大勢。自得而防遏之也。

(二)南滿洲每年約產高粱一千六百萬石。大豆一千一百萬石。粟九百萬石。小麥二百萬石。即雜穀約有四千萬石以上之產額。且每年輸出之豆粕一千萬擔。約價值三千五百萬元。柞蠶三萬